

杂咏抒怀

杂咏抒怀

胡波纹

向日葵

雾盖云遮总有方，生来强健骨如钢。
狂风吹过腰还直，暴雨袭来首仍昂。
头戴金冠非耀富，脚伸污土不嫌脏。
傲然挺立西风下，气正心丹总向阳。

舒华栋

孟春郊游

孟春时节暖犹寒，雨霁云开信步看。
满垄麦苗伸亮节，一河杨柳焕新颜。
园中风竹枝枝秀，崖畔山花朵朵妍。
无限生机无限意，青山碧水任流连。

宋朝先

春兴

冬尽风柔拂面春，攀升牛市更撩人。
揪心海啸初惊眼，悦耳涛歌复入神。
岱岳松中巢凤鸟，太华柏下聚麒麟。
漫野金兰芳菊麝，遍地牡丹锦绣茵。

潘自华

久雨望晴

青山蒙面乱云驰，百卉愁眉敛丽姿。
我盼天公收雨幕，开颜含笑朗吟诗。

鲁季平

参观银川西夏王陵感赋

蜿蜒秃岭映斜晖，遥想当年挖北陲。
十代王权垂史册，空留孤塚土丘堆！

通观贺兰山岩画有感

危石摩天垒贺兰，雄奇岩画古今传。
群峦起伏白云处，想象当年造化缘！

胡红林（女）

惊蛰

金乌得意把春催，百草探头唤燕回。
只等天公敲战鼓，好看云马役风雷。

蝴蝶

一朝破茧住花房，亦学雍容采淡香。
才对黄蜂言旧事，又随紫燕检春光。
挽风款款穿修竹，厌雨纷纷弃海棠。
本是无心躲画阁，佳人不觉绣衣裳。

郑纯超

颐和园

清幽别致一名园，历尽沧桑景尚妍。
高阁重重连石舫，长廊段段接林轩。
昆明湖上烟波荡，万寿山中鸟语喧。
原是皇家休养处，如今黎庶乐盘桓。

张仙权

陪友人登楚雄福塔

扶摇直上九重天，啸傲长空旧谪仙。
樵水渔山难得问，远村近市不耕田。

蔡之威

海棠花

西府垂丝风采妍，阳春二月展华颜。
昔居岳麓深山里，今驻江城闹市间。
绿叶枝繁迎客至，红妆素裹献君前。
周公寄语成佳话，“友谊之花”到处传。

注：周恩来总理曾称海棠花为“友谊之花”。

侯文升

梅 花

破腊传春疏影斜，不将颜色媲繁华。
铮铮铁骨凌寒蕊，一夜春风早作花。

水 仙

玉洁冰清不染尘，天生雅质水仙身。
凡花未许相为伍，高阁迎春几上珍。

黄 稀

鹧鸪天·春早

墙角红梅绽几支，新张柳眼笑弯眉。江南春色何来早，陌上霜花融怕迟。
雷滚滚，雨霏霏。农家赶早送堆肥。平畴旷野农机唱，布谷酣眠还未啼。

刘玉昆

游斗方山

斗方耸立傲群山，万顷烟涛入壮观。
景点传奇真亦幻，游人仿佛在南天。

王 琼（女）

菩萨蛮·题合欢花

嫣红独占枝头树，浓妆淡抹丝无数。流火夜斑斓，芳心如坐禅。
朝来燃一炬，含笑天涯处。莫道苦情凉，我思情未央。

菩萨蛮·和海怡题画勿忘我

蓝霞浸透云丝线，蕊黄销尽秋花面。来去本无心，奈何终抱襟。
芳魂犹暗锁，却道毋忘我。振翼不飞天，悄然移梦边。

戴永斌

过承仙山庄

清波劈浪小舟斜，水曲烟深老易家。
秀色初开三面景，画图漫卷一天霞。

咏荷花

淡红弄影蕊心黄，不惹风流自带香。
清骨何须怀媚态，只随冷月话衷肠。

玄武湖品茶会即兴

后湖烟柳舞低回，雅士茶炉细火煨。
隔岸莲花闻品鉴，迎风频举绿荷杯。

涂运桥

听 钟

古钟旋律荡重峦，湖外何人倚玉栏？
苦泪敲衫迎面袭，昏鸦鸣涧入林寒。
不周山上魂犹在，白玉盘中舞未残。
远浦归舟夹岸柳，苍茫天地影孤单。

乡 愁

烟水茫茫滕阁东，楚天何处诉幽衷？
舟临南浦和风暖，梦绕西山岁月匆。
孤鹭衔云依鹤岭，落霞碎浪映霓虹。
寒霜扑面频添恨，一片乡愁万古同。

宋成兴

小溪水

千回百转不辞劳，远旅方知出处高。
山涧岂能留得住，流归大海化波涛。

银杏树

虽无国色却天香，碧叶青枝身影长。
满树繁花催眼醉，更欣长寿果仁香。

傅卫国（女）

雪

扬扬洒洒落无垠，素裹银妆一色纯。
脂玉晶莹无浊气，散花天女净凡尘。

李 涛

太宗赐名

浩浩东征帜旆张，区区倭寇望风降。
回师扎寨高山侧，乘兴垂钩陡水旁。
唐姓赐山蓄云翠，曹妃近海浣纱凉。
涅槃凤翥高天处，又是一重新艳阳。

曹妃甸工业园区并港口

一从渤海起狂澜，十万军声动宇寰。
精卫匆匆飞未已，愚公默默战犹酣。
吞金吐玉远洋港，绽彩飞花不夜天。
千载曹妃如放眼，当惊荒甸现奇观。

注：贞观19年，唐太宗亲征高丽班师回朝时，曾驻军大城山，亲赐此山为唐山。曹妃，太宗爱妃。东征时逝于途中，葬唐山市东南海边，今称“曹妃甸”。

成 彬

菩萨蛮·海棠

妖娆初绽花千树，元都旧址春颜妩。小蕾蕴芳心，胭脂偏袭人。柔情凝意暖，润俏游人恋。万里雨过贫，东坡高烛看。

注：宋·杨万里诗句：“海棠雨后不胜佳”；宋·苏东坡诗句：“只恐夜深花睡去，故烧高烛照红妆”。

汪荣福

初秋晚眺

秋云送雨过江城，尚载流霞衬晚晴。
烟树欲昏鸦未定，依楼相对独关情。

释真才

油菜花

春江转暖鸭盈塘，绿野葱葱片片黄。
不斗天香和国色，玉脂奉献万民尝。

李孟书

采桑子·秋游

今朝烈日生羞面，堤岸山凉，溪水流长，
墙外黄花送野香。爱湖鱼跃涟漪起，船映波光，
随戏鸳鸯，惊起沙鸥万里翔。

陈代南

山 居

思乡游子鬓霜花，一别山村岁月遐。
夕照桑榆情未了，离巢飞燕喜归家。

绿树葱茏拥小楼，门前池水碧悠悠。
篱园满架瓜蔬茂，翠竹群莺唱晚秋。

鸡鸣向日午时圆，袅袅炊烟绕画檐。
稚子抛竿飞笑语，鸬儿划破水中天。

清辉如水夜沉沉，卧看天河北斗星。
皓月临窗闻鸟语，隔山犹听犬声声。

骆亿年

手 杖

一根手杖直而圆，久困深山不计年。
梁栋未成无恨事，祛邪扶正也心安。

陈惟林

石首三宝

笔架鱼肚

山抵荆江九曲浔，千年名产贵如金。
天宫漫道多灵物，唯有珍稀出绣林。

桃花山鸡蛋

西子种桃千代功，青鸾彩凤乐林中。
为谋民富生金蛋，竞市倾城尤火红。

七姊妹朝天椒

本是思凡七女仙，婷婷玉立尽朝天。
红云万朵游天下，播辣留香五味全。

朱升

[双调]大德歌·春晓

风悄悄，雨潇潇，芳草鲜花正俏娇，竹笋
节节高。龙蛇蛰、燕雀晓，村姑小伙机耕闹，
雁去杜鹃吟。

徐新洲

荷塘三咏

荷 叶

春入池塘淡淡烟，轻风碧水荡田田。
芳凝翠影伞遮日，欲把浓阴撒满天。

莲 蓬

爱持朱笔与清廉，露润花窠玉蛹添。
香损红残心不老，愿将涩苦换甘甜。

藕

玉臂琼肌一脉通，洁身自好见高风。
根盘绿水存心眼，情系千丝万缕中。

田萍（女）

咏幽兰

别名美誉“小桃红”，引蝶招蜂舞绿丛。
不羨春花争艳丽，偏能抗暑暗香浓。

邹义元

山村人家

微霜初染晚枫红，赤瓦琉璃草色中。
四面山风摇翠竹，一溪绿水映疏桐。
小桥犹记千年事，秋雁还思昨夜风。
踏遍神州寻圣境，身闲此处与仙同。

王澄华

西江月·诗词“沙龙”即兴

偶约知交三五，“沙龙”品茗寻芳。论今
说古兴飞扬，不畏人言狂放。更喜忘年
挚友，倾心共话晴窗，敲诗酌韵赏佳章，国粹
薪传有望。

杨光金

念奴娇·修环宇

——读付欣雨《另一个世界》

长空烈日，火烧遍、万里山川田地。树木
禾苗蔫不立，猫狗猪鸡哭泣。突起飓风，翻飞
黑砾，一怒惊霹雳。任心中喜，看终于付欣
雨。清新一夜心机，另一个世界，尽心
头语。革命灵魂终暴动，是马列毛书与。冲破
藩篱，杀出营垒，走向光明去，把红旗举，一
生修整环宇。

陈亚华

访四祖寺口占

心崇碧玉流，渐悟白云悠。
回首西山寺，双峰红叶秋。

王国灿

玉兰树

十月玉兰花盛开，碧裙风荡小莲台。
枝枝朵朵辉明月，感动观音不用猜。

郭大平

访石首新厂高中感赋

圃花香艳此高中 栋树参天御劲风。
枝顶传来云雀曲 塘间跳起鲤鱼红。
书山阅览史文博 题海遨游数理通。
返老还童三十载 从头一越压江东。

庄来喜

魂系肇源荷

碧水莲花映日红 轻舟摇荡入龙宫。
凝眸仿佛蓬莱境 荷海仙风醉老翁。

黄布华

夜 雨

夜半稀疏雨 飘零梦不惊。
晨来观柳色 翠叶似新生。

秋 猎

铁马千余里 披荆上吕梁。
操戈秋狩猎 再发少年狂。

江健民

安乐窝

三叠三联一小楼 安居老少著春秋。
门前来往车流急 宅后高低山色幽。
窗外风光观四季 楼头远景入双眸。
手培花木经年茂 群鸟时来亮脆喉。

艾国林

咸宁笔峰塔

笔颖如峰破雾开 云笺一展待君裁。
多情最是桃花雨 润色诗文入九陔。

万顷湖莲绿映红 渔舟晓唱画帘中。
笔峰塔内藏真谛 悟透人生作老农。

张卫生

瞻仰灵山大佛

灵山胜境塑金身 日月同辉照世人。
伫立千秋怀九域 慈悲济世佑苍生。

杨学军

春 节

新春时节故乡行 满目烟花歌舞平。
度假何须趋海口 江淮暖热似昆明。

年三十

一元更始换新符 腊祭千禾天地苏。
万户屏前春晚乐 犹听短信九州呼。

注：千禾是甲骨文“年”的写法。

王惠中（女）

咏桃花塔

烟墩寨上好风光 塔影桃花满畛香。
六角重檐锥柱体 七层汉玉饰圭璋。
顶生茶树枝呈翠 足驻坡仙院立庠。
览景怡神心爽朗 物华天宝兴悠长。

邝生浩

夜 读

月缺月还圆 书中拜俊贤。
深更酣治学 长卷奋攻研。
霞露芸窗外 莺鸣绿柳前。
凝思无睡意 兴致盛依然。

向撑宇

兔年抒感

凯歌声里送庚寅 玉兔蟾宫庆岁更。
百业蒸蒸兴九域 文章切莫负苍生。

刘文芳

油菜花吟

似花清丽又非花，淡淡平平不自夸。
岂去院庭争一席，乐来田野播千家。
小园安暖焉贪此，大宇风云独恋它。
耐得无人观赏寂，痴心结籽献光华！

马富尧

晨吟

春意阑珊觉晓寒，小窗幽静鸟声欢！
诗非易作须勤读，琴亦难精莫废弹。

周泽润

城头月·龙门二十品

洛阳山水龙门秀，石窟天工构。造像铭文，佛禅题记，神品精心镂。凝凝古朴唐风骤，飘逸天生就。试问诸君，鹅池遗迹，墨水依然否？

彭玉光

咏桂

十里长途绿映黄，金风送爽桂飘香。
株株铁干道旁立，簇簇金花叶底藏。
少展娇姿迷俗眼，多输芳靥沁诗肠。
前身本是蟾宫种，不共凡花斗艳妆。

天香国色冠群芳，枝叶扶疏浴艳阳。
劲干遒柯存傲骨，冰肌淡蕊吐奇香。
喜陪处士骚人醉，厌伴游蜂浪蝶狂。
白帝殷勤曾有约，广寒仙子染秋光。

枝繁叶茂植根深，永葆冰清玉洁身。
绽蕊只为舒倦眼，吐芳总在焕精神。
恨无匕首投贪腐，敢有馨香抗秽氛。
不肖浓妆兼艳抹，但留清气净乾坤。

何斌然

乡野赋花

稻花

花放何须蜂蝶喧，世无饥谨自心安。
笑看枉法贪赃者，狂饮民膏不汗颜。

棉花

摄叶迎风斗日华，金秋邀月吐银花。
经纶满腹情千结，乐送温馨百万家。

油菜花

飘香竞放逗风欢，蝶舞蜂歌更壮观。
角果盈枝寄情愫，粉身碎骨亦心甘。

芝麻花

长就筋刚单瘦条，追求上进志难消。
根深何惧风和雨，更是花开节节高。

葵花

翠绿披肩气自昂，金盘作帽吐馨香。
沧桑风雨凭其变，不改初衷永向阳。

欧阳宏

观黄冈市农行老干湖边钓鱼比赛

参观群钓兴悠然，数十金钩赛岸边。
静察浮标传好讯，喜操捞具捕新鲜。
夫妻互助同场乐，杨柳轻垂倒影悬。
头彩锦鳞先抢眼，欢声笑语乐尧天。

蒋康佳

庚寅重阳登天元塔

高身挺立气融融，不畏冰霜心有衷。
四百年来人世改，天元依旧笑春风。

南北东西旖旎风，天元塔上忆杨公。
行云走马无痕迹，独有乡情故土中。

拾级登高九月天，金秋无际望中妍。
几声雁语塔边过，报送好音丰熟年。

七级浮屠近福田，遥招彭祖欲深研。
笑谈声里心开窍，广植菩提休问年。

王绍成

晨 练

登高远眺曙光浮,云走霞飞薄雾流。
天拂清风潭水碧,地除害草嘉禾稠。
裙钗起舞风光媚,老叟玩拳筋骨遒。
百鸟争鸣泉奏曲,欢歌笑语荡层楼。

孙建保

颍 河

长流经岁月,风雨历千舟。
红鲤波中戏,黄莺柳上讴。
河边忙浣女,浪里甩鱼钩。
灌溉三千顷,为民把福谋。

钱 斋

读报偶得

尽情欢笑莫言愁,况是青丝到白头。
唯有宽容心自静,不忘恩泽愿方酬。
早除名利浮云散,熟读诗书细雨柔。
养性修身争寿命,青山依旧水长流。

方向平

雪 松

昂首瞻山色,疏枝栖鸟群。
身经三夏热,志壮九霄云。
雪压弥高洁,霜摧更有神。
情甘刀斧伐,愿作屋梁枅。

周天表

苍 松

经霜历雪立高峰,久阅春秋气势雄。
老节弥坚承雨露,虬枝黛色四时同。

古 槐

伟岸参天处士身,枝繁叶茂溢清芬。
平生未作南柯梦,绿荫人间满地金。

饶惠熙

访 梅

踏遍山崖又水滨,暗香何处惹伤神。
高情不作争名者,大隐应为避俗人。
松下寻真成踟躅,雪中探韵费逡巡。
相逢慰我相思意,芳讯先传天地春。

种 梅

因爱成痴态最憨,移来近宅傍溪南。
更无闹市风尘染,自有深山雨露涵。
不似陶潜栽柳五,岂同王祐植槐三。
此中情趣谁能解,只与烟霞共笑谈。

姚章远

赏桃花即景

桃花吐蕊艳阳天,竟向芳园放眼看。
济济游人歌朗朗,纷纷彩蝶舞翩翩。
堪钦老圃栽培累,更羨群蜂采酿酣。
挂满枝头红硕果,瑶池仙子暗垂涎。

邵达明

雾 荷

间或稀疏间或浓,半明半暗半如空。
烟霞障目心犹亮,情系千丝万缕中。

烟 花

扶摇呈胜景,夺目入云天。
朵朵神形俏,辉煌一瞬间。

刘南陔

大坝雄姿

横空出世隔河岩,钢铁蛟龙锁雾烟。
最忆当年奠基者,餐风宿露绘蓝天。

峡口畅想

西望夷城渔峡口,无缘游览兴难休。
相期梯级坝成日,越闸飞舟探洞沟。